

րին, իսկ Նիւթօրկում առաջ բերեց հակա-հայկական հոսանք, որ բարեբաղտաբար, շուտով հանդարտուեց: Այս հանգամանքով է բացատրւում ամերիկեան դատարանի խիստ դատաւճիռը:

Նիւ Եօրկի «Globe»-ը հաղորդում է, որ կին բժիշկ Ռաբինովիչը էլէքտրական մի գործիք է հնարել՝ մեռածներին կեանք վերադարձնող: Այս օրերս նա բժիշկների ներկայութեամբ մի շարք փորձեր է կատարել ճագարի վրայ: Ճագարին սպանեցին ելեկտրական հոսանքով ընդունուած եղանակով և ներկայ եղողները միաբերան նրան մեռած անուանեցին: Ապա տ. Ռաբինովիչը գործածութեան դրաւ իր գործիքը և առաջ բերեց էլէքտրական չափական կոչուած շարժողութիւնը. հոսանքը ուղղելով հերթով սրտին և մէջքի ողնաշարի հիմքին: Երեք րոպէից յետ ճագարի սիրտը սկսեց զարկել և շնչառութիւնը նորոգուեց: Շուտով կենդանին բնական դրութիւն ընդունեց և կէս ժամից յետոյ արդէն թռչկոտում էր սենեակներում: Այնուհետև տ. Ռաբինովիչը ցոյց հանեց, թէ ինչպէս կարելի է էլէքտրական եղանակով ճագարին մեռցնել առանց որևէ նրա համար ֆնասակար հետեանքների: Նա պնդում է, որ երկու փորձերն էլ կարելի է յաջողութեամբ գործադրել մարդկանց վրայ (Տ. Մ.):

ԽՄԲԱԳՐՈՒԹԵԱՆ ՊԱՏԱՍԽԱՆՆԵՐ

— Մեր յարգելի աշխատակիցներին և բաժանորդներին խմբագրութիւնս շնորհաւորում է նոր տարին:

— Մոսկուա. Մ. Շովրեան. ձեր յօդուածը ստացանք և կտպենք յունուարի համարից:

— Ալէքս. Պնչատ.— Ձեր յօդուածը ֆնաց հետեւեալ համարին:

— Ղարաքիսա. Ս. Բօֆֆօր. Ձեր պատկերը ֆնաց հետեւալ համարում տպելու:

— Էջմիածին: Յ. Պետրոսեան. բանաստեղծութիւնը. ստացանք և կտպուի յունուարի համարում:

ՍՏԱՑՈՒԱԾ ԳՐԹԵՐ

Գրիգոր Մագիստրոսի թղթերը. բնագիրն յառաջաբանով և ծանօթութիւններով առաջին անգամ 'ի լոյս ընծայեց Կ. Կոստանեանց. Ալէքս. 1910:

Մարգար. Գողը. զինուորի յիշատակարանից, հրատ. Միածանի № 2. Թիֆլիս 1910:

Երևանի Հայոց Հոգևոր Թեմական դպրանոցի տեղեկութիւնը. Երևան 1909.

Խմբագիր Հրատարակիչ՝ ԳԻԻՏ Ա. Բ. ԱՂԱՆԵԱՆՑ

